

## *Framhaldsskólinn í Vestmannaeyjum*

**Skólanefnd Framhaldsskóla – fundur 11. desember 2007, kl 17:15.**

Mætt: Elliði Vignisson, Ólafur Týr Guðjónsson, Ólafur Elisson, Sigurhanna Friðþórsdóttir, Sigurjón Ingvarsson, Haraldur Pálsson, Magnús Sigurðsson og Ólafur H. Sigurjónsson.

Fundargerð síðasta fundar var lögð fram og samþykkt.

### **1. Skólastarfið og það helsta framundan.**

Skólastjórnendur sóttu fund um væntanlegt gosafmæli 23. janúar ásamt fulltrúum grunnskóla og leikskóla, sem Erna Jóhannesdóttir boðaði til í Ráðhúsinu. Samþykkt var að hver skóli móti sínar hugmyndir og útfærslur, varðandi þátttöku. Kennarar (2) og nemendur (2) eru nú í Cesena á Ítalíu, þar sem haldinn er upphafsfundur nýs Evrópuverkefnis Skipstjórnarnemar fóru í námslotu og próf í Fjöltækniskólanum 16. nóv og gekk það vel. Tvær stúlkur, namar í KHÍ komu og fengu að vera í tímum (áheyrn) 14. nóv. Viktor Arnar Guðlaugsson rithöfundur kom í tilefni dags íslenskrar tungu og flutti nemendum fróðlegt og skemmtilegt erindi. Stúdentsefni skólans komu í heimsókn föstudag 23. nóv og kvöddu skóla og kennara með tertum og rósum. Skólastarfið hefur gengið vel og nemendur skila sér nokkuð vel í prófin. Tæplega 70 nemendur fá skólasóknareiningu (90-100 % raunmæting). Próf hófust 1. desember og lýkur þeim þann 13. des. Illa gengur að ljúka þeim framkvæmdum sem staðið hafa alla önnina, það er endurnýjun karlasalernis og nemendafélagsaðstöðu, þrátt fyrir ítrekaðar kvartanir til Fasteigna ríkisins. Búið er að teikna og prenta leiðbeiningar yfir flóttaleiðir og verða þær festar upp á næstunni. Fulltrúar skólans mættu í Landakirkju 7. des og veittu viðtöku nýrri biblíu sem Magnús Kristinsson og Lóa Skarphéðinsdóttir gefa. Útskrift var úr skipstj. námskeiði til 30 tonna (pungaprófi) laugardag 8. des, en Viska og FÍV stóðu saman að því og luku 27 nemendur prófi. Annarslit og útskrift verða 15. desember. Útskrifaðir verða 14 stúdentar, einn vélstjóri af 2. stigi, 13 vélaverðir og 6 nemendur úr Grunnnámi Byggingarmanna. Vorönn hefst síðan 4. janúar. Unnið er að gerð rekstraráætlunar sem væntanlega liggur fyrir á næsta fundi.

### **2. Verkefnastjóri og áherslur í kynningarstarfi.**

Skólameistari skýrði frá því að skólinn fengi 15 milljónir vegna mótvægisáðgerða ríkisstjórnar, 5 millj á fjáráukalögum 2007 og 10 millj. hækkun á fjárveitingu næsta árs. Talsverð umræða varð um hvernig þessir fjármunir nýttust best og um ráðningu verkefnastjóra sem tengdist því. Elliði lagði fram umræðupunkta/áhersluatriði, sem samþykkt var að hann og skólameistari myndu vinna áfram. Einnig var rætt um að haldið yrði sérstaklega utanum ráðstöfun fjárens í bókhaldi skólans. Íþróttanáms við skólann var rætt og ákveðið að skoða betur þann möguleika að bjóða slíkt í haust.

### **3. Forföll kennara á haustönn 2007.**

Skólameistari lagði fram yfirlit um forföll annarinnar, sem eru heldur minni en verið hefur og innan þeirra marka er búast má við. Engar athugasemdir gerðar.

### **3. Önnur mál.**

Stuttlega rætt um félagslífið, nýtt framhaldsskólafrumvarp ofl.

Næsti fundur verður þriðjudaginn 15. janúar 2008, kl 17:15

Fleira ekki gert, fundi lauk um kl 19  
Ólafur H. Sigurjónsson.